

## ІНФОРМАЦІЯ ПРО ВОЛІЧА

По вступі до волебной містности воліч є повинный превказати раённій волебній комісії свою тотожность обчаньсков легітімацієв або легітімацієв на перебуваня обчана Европской унії. Кедь на пожаданя была волічови выдана легітімація на голосованя, предложить і тоту ведно з обчаньсков легітімацієв або з легітімацієв на перебуваня обчана Европской унії. Наслїдно раённа волебна комісія од нєго легітімацію на голосованя одобере. Потім раённа волебна комісія закрузкує порядкове чїсло воліча в списку волічів і выдасть волічови листы на голосованя і порожню копертку з уряднов печатков села.

Воліч, котрый не має місто стабільного бываня на теріторії Словацькой републікы ани на теріторії іншого членьского штату Европской унії і пришов у день волеб до волебной містности, превкаже свою тотожность словацькым паспортом і сучасно раённій волебній комісії предложить честне выголошіня о місті стабільного бываня в заграничу. Формулар честного выголошіня му на пожаданя выдасть раённа волебна комісія. Раённа волебна комісія такого воліча допише до списку волічів, што зазначить в єго словацькым паспортї, а честне выголошіня о місті стабільного бываня в заграничу припоїть к списку волічів. Потім раённа волебна комісія выдасть волічови листы на голосованя і порожню копертку з уряднов печатков села. **Перевзятя листів на голосованя і коперткы потвердить воліч у списку волічів властноручным підписом.**

Каждый воліч повинен одыйти перед голосованєм до выдїленой части містности, в котрій може управити листы на голосованя. Волічови, котрый не вступить до той части містности, раённа волебна комісія не доволить голосовати.

У части містности выдїленій на управлєваня листів на голосованя вложить воліч єден із листів на голосованя без далшого управлєваня до копертки **або** на єднім листї на голосованя закрузкує порядковы чїсла найвеце двох кандідатів, котрым вирішив дати преференчный голос. Потім лист на голосованя вложить до копертки і наслїдно до волебной урны.

На пожаданя воліча раённа волебна комісія му выдасть за некоректно управлены листы на голосованя іншы. Некоректно управлены листы на голосованя воліч одложить до ладічки на несхоснованы або некоректно управлены листы на голосованя.

Воліч, котрый не може сам управити лист на голосованя із здравотных причін або зато, же не може читати ці писати, а перед голосованєм поінформує о тім факті раённу волебну комісію, має право взяти із собов до выдїленой части на управу листів на голосованя іншу способну особу, жебы подля єго інструкцій і закона управила лист на голосованя і вложила го до копертки; таков особов не може быти член раённой волебной комісії. Обидві особы перед вступом до выдїленой части на управу листів на голосованя член раённой волебной комісії поучить о способі голосованя і о криміналінім skutку в припадї нарушования приправы волеб і волебного процесу.

Воліч, котрый не може із здравотных причін сам вложити копертку до волебной урны, має право пожадати, жебы копертку до волебной урны за єго участи вложила інша особа, але не член раённой волебной комісії.

Воліч, котрый не може прийти до волебной містности із важных, главно здравотных причін, має право пожадати село а в день реалізації волеб раённу волебну комісію одголосовати до переносной волебной урны, а то лем на теріторії волебного раёну, про котрый была раённа волебна комісія створена.

Воліч повинен одложити несхоснованы листы на голосованя або некоректно управлены листы на голосованя до запечатованой ладічки на несхоснованы або некоректно управлены листы на голосованя, інакше ся допустить переступлїня, за котре буде покутований сумов 33 євро. Кедь голосованя проходить мімо волебной містности, воліч несхоснованы або некоректно управлены листы на голосованя зніщить перед членами раённой волебной комісії.